



Djela se predočavaju (Allahu) ponedjeljkom i četvrtkom, pa volim da se moje djelo predoči...

Ebu Hurejre, radijallahu 'anhu, prenosi od Allahova Poslanika, sallallahu 'alejhi ve sellem, da je rekao: "Djela se predočavaju (Allahu) ponedjeljkom i četvrtkom, pa volim da se moje djelo predoči, kad ja postim." Ebu Hurejre, radijallahu 'anhu, prenosi da je Allahov Poslanik, sallallahu 'alejhi ve sellem, rekao: "Vrata Dženneta otvaraju se svakoga ponedjeljka i četvrtka, i oprost se svakom robu koji Allahu ne pripisuje druga, izuzev onoga ko je zavađen sa svojim bratom muslimanom. Tada se kaže: 'Sačekajte da se ova dvojica pomire! Sačekajte da se ova dvojica pomire! Sačekajte da se ova dvojica pomire!'" Ebu Hurejre, radijallahu 'anhu, prenosi da je Allahov Poslanik, sallallahu 'alejhi ve sellem, rekao: „Djela se izlažu Allahu svakog ponedjeljka i četvrtka, i oprost se svakom robu koji Allahu ne pripisuje druga, izuzev onoga ko je zavađen sa svojim bratom muslimanom. Tada se kaže: 'Sačekajte da se ova dvojica pomire!'"

[Vjerodostojan] [Hadis bilježi Tirmizi - Hadis bilježi imam Muslim]

Djela se predočavaju Allahu Uzvišenom ponedjeljkom i četvrtkom, a ja volim da se moja djela predoče Allahu dok postim, jer se na taj način povećava status i položaj i dobiva nagrada. U drugoj predaji stoji: "Vrata Dženneta otvaraju se svakoga ponedjeljka i četvrtka", i to se stvarno dešava, jer Džennet već postoji. U ta dva dana se oprašta robu koji ne čini širk, tj. praštaju mu se mali grijesi, dok se za velike mora se učiniti pokajanje. Prašta se, osim dvojici muslimana između kojih postoji mržnja. U vezi takvih Allah se obrati melekima: "Sačekajte i ostavite tu dvojicu između kojih je mržnja", a to im je vid kazne i opomene zbog toga što jedan drugog izbjegavaju. Oni bivaju u takvom stanju dok ta mržnje ne nestane i dok se ne pomire. Hadis ukazuje da je obaveza čovjeku požuriti da ukloni tu mržnju i neprijateljstvo prema svome bratu, pa makar mu to bilo teško. Neka se strpi i očekuje nagradu, jer će konačnica za njega, u tom slučaju biti pohvalna. Ako čovjek vidi u nekom djelu da je dobro i da za njega ima sevap, i toga bude svjestan, biće mu lakše. Također, ako vidi i bude svjestan prijeteće zbog njegovog ostavljanja, biće mu lakše da ga uradi.

النجاة الخيرية
ALNAJAT CHARITY

